

大清光緒廿六年

本館新開除禮拜外每日出報一
紙諸君閱報均可函致本館取
本埠外埠均可閱報加寄費不
閱如外埠閱報加寄費不
也除日報外常刊送外復不
惜工本從英法各國採辦書
紙各樣器以待與各官紳
刊印書籍單件並有英各
體活字及各式花邊等延
西人排印工藝甚精所有
西文字均能刊印並精工刊
印字大小機器均用精工刊

第五千六百七十二號 申報

(號七第牌門口虱巴舊在設開館本)

印工總倫敦並有文士書
寫各體文字現由上海購到
各種書籍出售其書目另行
刊佈所有各項價目相宜再
世館所登來札原稿其有
礙於人而後附登者亦須無
礙於人而後附登者亦須無
成文以及支離費解者概不
登錄嗣後諸君來札尚祈
自諒更須寫實里而後敢
登但來稿登與不登均不能
將原稿收回也 本館謹白

庚子九月十九日

英大一千九百一十年十一月十號禮拜六 (六拜禮號十月一十年百九千一英大) 仙登字每日自白告偶五張每舊零圓壹月每

秋撤降之辰坂中官署西報銀行一律停工祝嘏本報既居宇下亦應畧展榮忱謹於是日停報一天倘有
要聞仍當傳佈翌日照常送閱特此佈 聞 本館謹啟

招僱花傭告白 ○啟者刻欲招僱粵籍花傭一名其人必須深諳培植華洋各種花卉俾在園中
專司栽花之役有能勝任者可到本館內面訂薪水一切便得此佈 本館謹啟

購緝私弊 ○啟者爪亞各地諸君購閱本報者甚繁近以中原多故閱報者尤屬關懷乃本館近
日疊接爪亞來函每謂所寄之報逾期未到更有遺漏等弊業由本報函致前途郵局查究外惟恐外間有
人竊匿本報新聞以圖盜賣之弊用特懸賞購緝倘 諸君子確知誰人私匿本報新聞者祈即 惠函通
知本報以憑控究審訊得實即謝報信人花紅銀五十元决不食言特此佈告 本館謹啟

本館告白 ○啟者現在時事紛紜一紙報章莫不人思先睹微報邇來登蒙諸公賜書獎勵因之
源源購閱感佩方深特是近來工伴畧有紛更則所派報章不無遺漏茲故特為佈告倘有此等情弊務望
諸君馳函指示俾得戒飭諸伴立行補送以重報務以答隆情是所切禱此佈 本館謹啟

增僱手民 ○啟者本館刻欲增僱排華字手民數人有能充當此役者即到本館面訂便得特此
佈 聞 本館謹啟


粵中亂耗十五紀

惠州土匪楊某聚眾揭竿現已大兵雲集匪等知難而退已竄入平山裏地方踞守一隅各情迭詳前報至
大憲札委鄭惠霖軍門增募安勇兩營前往剿辦鄭軍門以土匪猖獗軍務孔亟特委帶帶游戎瑞帶領
安勇一營先往駐紮白遊戎隨自清遠江拔隊啟程經於去月廿九日到省即日馳赴惠州其營官賴總
兵自清遠招募一營亦於初三日統隊行抵羊石日聞亦率隊赴惠以資援應矣聞官場甚恐亂及省城日
盼捷音頗形關切云 西報云惠州土匪老巢在稔山其餘分佈潭沙平山等處聞土匪頗有劫掠如有人
擄外省口音者則殺之其餘則從寬相待前數日馬鎮戎一軍在平潭與土匪戰土匪埋伏蔗田突起攻之
馬鎮敗績當場被斃被擒之軍士亦有多人及林軍門聞耗馳往相助及至是處土匪已退入山林德署督
聞官軍屢敗即調張軍門惠林并傳贊開率安勇前去剿辦該處村民多有婦孺逃難至省垣者法有根株
由石龍回據稱該處現甚安堵其教民亦多有為官剿辦又聞去月二十號官軍在平潭與匪鏖戰自早
至午殺匪數百名吳軍門親手殺匪六七十人官軍乃燃爆竹以申慶賀而奏捷也 去月二十九日有人
接家書云土匪二十早入芒花墟不過四百餘匪而無擾亂店戶惟四處招人入黨總要軍械而廿二早輕
過三角湖墟探知縣善縣主全劉提督帶勇四百餘人上山該匪即設計在鶴湖鄉近處埋伏該勇被匪
斃命者有二三現縣主全劉提督往河川龍鄉避惟府左堂杜姓及湖南勇共二十餘人即日往楊化墟
上增光下打黃沙洋圍被破蕭姓無數屋舍盡付丙丁如同塗炭情實可憐廿五晚吳軍門即帶勇六百
餘人至增光墟札營廿五早見將至三點鐘賊匪退散幸有開花炮方能取勝將左堂奪回該匪現已各散
西東二十八日被橫江鄉捉有十餘匪既送到吳軍門營中尚未正法莫都司近日有千餘兵定到平山料
然無防也馬此奉達 本月初三日有接淡水水附來家書抄錄於下 去月廿九日更後三多祝某富肆寄
來快信云廿七日四點鐘賊由增光墟到黃沙湖開戰有歸善黃新曙哨官帶惠州練兵數十名及鄉勇與
賊戰半點鐘之久有楊姓作內應并殺蕭姓二百餘丁口屋舍焚去三分之一直入祝城蔡姓祠堂屋舍全
行焚燒僅剩有三處屋而已惟幸人口未傷賊店舖無恙吳莫二兵官由平山帶數百兵星夜馳至二十
八早辰刻在洋口鄉至與賊對戰大敗直追至七里申刻三多祝賊徒四散竄走殺賊無算此快信二十
九清早接到有謂賊逃往高潭有謂走往烟墩此捷音亟宜抄傳以快人心而寒賊胆幸甚 深圳友人
初五日來耗云初二日係軍門移營駐紮平山一候炸藥運至即整隊往攻三坵出一帶賊巢據鄉民到深


密酒出賣

鳥密酒賣

名鐵櫃發售



嘗思養生之道所最要者則惟飲食其次則惟睡眠然必須有以善其始無意外此本行鐵廚所以為 諸君之所共賞也最者本行所沽之鐵廚久已馳名於東方一帶而於叻坡則聲名尤著至本行沽賣此等鐵廚已有三十年之久其製甚為堅固保能避火且其鑰匙甚妙斷非盜賊等所能開計其櫥全身均用鐵製成並無雜以木料且其櫥自前至今均為一式堅固並無有優劣之分至於各櫥大小不一而價值則約一百元至四百元凡用之者可保其不礙



焚即遇意外火災要亦無所損壞是以本行之鐵櫥實為叻坡諸商所喜購而本行每年所沽亦殊不鮮茲特為之錄佈倘 諸君有惠顧者新即 玉臨選購為盼 大英一千八百九十八年正月一號 大清光緒二十三年十二月十八日 明嗎也洋行謹啟

啟者茲本行由歐洲辦到上等密酒來叻發售其酒甚佳茲將標頭印出 諸君光顧祈為細認免致有誤近聞有無恥之徒假冒本行鎖匙標密酒出沽希圖魚目混珠最堪痛恨今本行再行核定於酒樽木匣內加鐵絲鎖匙形以示分別倘 諸君有知何人假冒請到本行報明即酬花紅銀二百大元經官訊定即能給發斷不食言再此酒不能販往 加勝巴 三寶瓏 泗里末 望加錫 檳榔嶼 日理等處其餘他埠均能運往並此佈聞 大英一千八百九十八年正月一號 光緒廿三年十二月十八日 明嗎也洋行謹啟

啟者本行向由英國督辦各種美酒來叻發售久已遐邇馳名茲復由英新辦到頭雨士斗雲字號之狗頭票鳥密酒到叻應沽此酒香美異常不惟飲之可口且能保養精神調和血氣常飲令人不生疾病誠酒國中上品也 諸君光顧應細看以上所列之狗頭標庶不致誤且價甚相宜倘 諸君有欲沽飲者請至本行取用可也此佈 英一千八百九十八年正月一號 光緒廿三年十二月十八日 明嗎也洋行謹啟


法國頂上蜂標萬蘭池酒發客

啟者茲本公司親由法國督辦頂上好萬蘭池酒來叻發售其酒清香濃郁醇厚異常飲之誠可令人長血氣壯筋骨悅顏色妙美無窮今市上所有萬蘭池酒無有出其右者 誠佐饌中之妙品也能此酒向准本公司一家沽出餘無別家出售 諸君光顧請細認蜂窠標頭為記並細辨香味方不致誤價甚相宜倘有對份之癖者祈早移玉 惠臨購買是幸 大英一千八百九十八年正月一號 明嗎也洋行謹啟



三品酒出售

啟者本行督辦歐洲馳名三品洋酒來叻發售其酒係白頭款式發售有年沽飲 諸君莫不稱其香美身近有無恥之徒假冒本庄三品酒款式以圖魚目混珠情殊可恨嗣後 諸君購買本行白頭三品酒者請細認本號牌之內有小紙包頭註明華字新嘉坡明嗎也公司者始真若無此字樣即屬偽冒請為細認特此佈告 大英一千八百九十八年正月一號 明嗎也洋行謹啟



拍賣屋宇

○啓者茲本館定於慈民末月十九號即華九月廿八日拜一下午兩點半點在本館內拍賣住屋四棟門牌由四十六號至四十九號坐落盆巴沙路勝邊即馬車街又屋五棟門牌由一號至五號坐落牛車水崎之橫巷名曰得士敦路又屋十棟門牌由三十七號至四十六號亦坐落牛車水崎之橫巷得士敦路邊又屋四棟門牌由二百九十八號至三百零一號坐落丹戎巴葛路邊 諸君欲知詳細請來本館查詢有欲購買者望即屆期 玉臨可也此佈 英一千九百年十一月九號 光緒廿六年九月十八日 吧越館主謹啟



香港招投烟碼告示照錄 ○香港輔政使司 爲曉諭事現奉 督憲札開招投烟碼一千八百九十一年至一千八百九十七年及一千八百九十八年第一條所立之賣鴉片烟則例承充香港賣鴉片烟利權及新界兼收鴉片烟屎並賣二烟利權由一千九百零一年三月初一日起承充三年爲期所有投票均在本署收截投遞之票必須封口限期收至西歷本年十一月二十三號禮拜五即華歷十月初二日正午止如欲知香港鴉片膏餉碼之章程詳細者香港則前赴港中庫務司新嘉坡則赴輔政使司署檳城則赴泰政司署瓜勝南基則向禮示珍署請示等因奉此合亟出示曉諭爲此特示 ○茲將投賣鴉片烟章程列下 第一款投票須要存貯庫務司按櫃銀收單方可投票其按櫃銀要三萬元或地契等紙呈驗準抵三萬元方准落票要照庫務司所立之印釐格式合同一紙若投票之人投得之後不依所投票之章程承辦其存貯銀款或地契概行充公存貯銀開收限至西歷十一月廿二日即華歷十月初一日十二點鐘正午止截倘投不獲選者該存貯銀或契即行交回本人收領 第二款凡投票之人須列明每月繳納承充餉銀若干 第三款各票價列低昂任由 國家棄取或總棄不取 第四款投得承充之人須要存貯庫務司担保銀或地契紙其存貯之款要繳足三個月餉銀作按遵照合同章程承充利權辦理至其前存貯投票銀三萬元當投得票之日該存貯銀俟有承充餉銀三個月呈繳作按方准給領 第五款 督憲同議政局准照下列所定之格式或畧再訂之格式批准執照承充 第六款承充人當承充之時要用販賣鴉片之字號是由督憲同議政局批准方可各毋觀望特示 大英一千九百年十月廿六號 大清光緒廿六年九月初四日 示



憲示

招人除糞示 ○大英欽命新嘉坡輔政使司 爲招充工役事照得本國家欲招人承充總醫院及瘋癲院內除糞之役此役係由西一千九百零一年然花里月一號起至西利心末月底止爲此示仰商民人等一體知悉爾等有欲承充此役者可於西一千九百零年慈民末月三十號即華十月初九日以前入票投交本署以憑選擇至其除糞之法先由該兩院人役將糞置於桶內而承充除糞者於每早六點鐘至七點鐘時將其運往他處而入票之人須先言明其搬運之法惟必須遵照工部局章程而行并須言明其糞係運至何處及作何銷法至於棄取之權悉由國家主裁不得執價低者得之說相爭所有詳細情形可到該兩院詢問便能知悉各宜踴躍慎無觀望特示 大英一千九百零年十一月三號 大清光緒二十六年九月十二日 示



憲示

工部局告示 ○特此通知茲照一千八百九十六年所定第十五條之三十五章及三十七章及一千九百零年第十條增改律章茲因本坡工部局在新嘉坡第二段即大坡地段人員李浚源於一千九百零年利心末月三十一號照例帖圖告退故欲於利心末月四號即華十月十三日禮拜二在新嘉坡拋球場畔工部局之寫字樓內再行公舉局員一人以代李君之任其投票時候定於是日上午十點鐘起至下午四點半鐘止其票紙可於投票之日由各入票之人至收票之處向總理收票之人取討每人應給一紙然照議定之律章凡諸選稅之人如欲公舉局員須以有價租稅者二人先行立書列舉一人舉之一人而之而該公舉字當於慈民末月廿六號禮拜一以前付交工部局寫字樓然該兩入須有公舉之權可以公舉該段之局員者方可至欲公舉局員之格式紙可向工部局司理人處取討便得而本局總理人員當於慈民末月廿八號禮拜三由下午二點鐘至四點鐘在拋球場畔本局寫字樓內靜聽裁奪凡諸人有前來告訴所有入票公舉之員求有不合之處否以憑核辦特此佈聞 大英一千九百零年十一月五號 新嘉坡工部局總理人然直奉命謹啓

拍賣地段 ○啓者茲本館承命將已故顏君承成在距叻坡五英里實籠岡路邊之椰園及菓子園并地二十九段乃屬起造之地定於一千九百零年慈民末月十三號即華九月廿二日禮拜二下午二點半鐘在本館內拍賣計開 第一段至二十一一段乃是承遠自主其中每段二萬四千丁方英尺至十一萬丁方英尺中有十五段乃向實籠岡大路餘乃向新開私路 第二段二十二段乃是椰園以及菓園亦屬承遠自主坐落實籠岡路大有六希葛 第三十一至三十五段乃是承遠自主之地其中有八段乃起造之地大有四萬以及十三萬丁方英尺有六段向實籠岡大路其餘乃向新開私路 第三十一至四十五段其中有十四段乃椰園菓子園大有七希葛及十八希葛皆向新開在實籠岡以及巴耶蘭抹之私路該地其中多可建造華洋之別墅中有樹木乃係素常用心培植 諸君購買有欲知其詳細情形以及該地之圖式者可向本館或其律師直汝那丕耶詢問便得 大英一千九百零年十一月五號 大清光緒廿六年九月十四日 吧越館謹啟

聲明告示 ○啓者玻璃口第二十四號門牌新和順炭店內東曾朱氏刻因辱子有木不肖故于本月十四日曾在護政司案前查訊有木果屬不孝即蒙判准此後氏不復承認有木爲子爲此特行佈告此後有木已非吾子倘彼在外前後與人往來賬目揭借等項請向經手追問概與新和順曾朱氏無涉特此聲明以免拖累此佈 光緒二十六年九月十五日 新和順曾朱氏謹啓


新和順曾朱氏謹啓

大英欽命新嘉坡輔政使司 為招供物料事照得本國家欲招人承辦以下所開一千九百零一年獄內總差及兒役所用之物計開
 鐵樹膠布之白帆布靴三十二雙 白帆布鞋一百廿八雙 以上乃總差所用 辦公白斜紋衫褲二百二十套此乃兒役所用 如有
 欲承供以上各物者可於西本月二十號即華本月廿九日正午以前入票投交本署以憑選擇至於靴鞋衫褲之辦可至獄內向司獄官
 示取閱便能知悉所有承取之權任由國家裁奪不得相爭各宜踴躍切切特示 大英一千九百零一年十一月七號

敬頌良醫 ○啟者小妾近日產後失於調養致沾重恙屢醫弗愈嗣延紀義純先生診治刀圭數劑即獲霍然神乎 先生醫術之精
 可謂今之盧扁矣余感再造之恩無從圖報爰附數言附登報牘以誌不忘至 先生現寓小坡小亞街頭泰興堂內合併錄明以爲求醫者告
 大清光緒貳拾陸年九月十四日 生怡興號王桂河敬頌

憲大英欽命新嘉坡輔政使司 為招人入票事照得本坡國家現欲招人入票承供獄內所用之物承供此項係以一千九百零一年一載
 爲期爲此示仰商民人等知悉汝等有欲承供各物者所入之票當於西本月十五號即華本月廿四日正午以前入票投交本署以憑選
 擇茲將各物開列如左 上等白藤每担價銀若干 製門簾料長藤每担價銀若干 石藤每担價銀若干 水藤每担價銀若干 色
 牙藤每担價銀若干 麻六甲藤每條七〇五及一二五每担價銀若干 圓藤每担價銀若干 椰衣每車計三百五十價銀若干
 示至於承取之權任由國家主裁不得相爭各宜踴躍切切特示 大英一千九百零一年十一月五號

咸士頓天下第一大班虎戲



啟者本班自決技以遊泰西各國所
 往之處不惜心機搜羅技藝之士冠
 絕之女及能解語等獸合班串演中
 奏軍樂定華九月十九日禮拜六即
 英十一月十號晚八點開門九點開
 演每晚要換新出頭在海墘瓊州會
 館邊大酒店對面戲場開演凡本班
 所選象虎狗羊熊馬等惡獸皆訓練
 精熟善解人意指揮莫不合拍更欲
 弄壹隻猛虎與之操演雜劇大有伏
 虎之風并猿能翻起毛羔上以遊行
 種種奇法目所未觀此戲 諸君欲
 擴眼界祈速惠臨 茲再定於本拜
 五晚新換戲齣禮拜六下午開演日
 戲以便婦稚諸人往看凡諸童子概
 收半價併此奉聞
 官位每收銀十二元 官位位每收
 銀二元 一號位每收銀一元五角
 二號位每收銀五角 三號位每收
 銀三角
 大英一千九百零一年十月廿二號

聲明告白 ○啟者小坡新街口門牌第一百九十五號
 致成號染布店自兼收批滙兌生理以來歷今十有餘年
 向以殷實待人不敢失信得蒙 仕商賜顧遐邇馳名迨
 已丑年創一棧在大坡新吧虱號曰致成棧又庚寅年
 再設十八間後森峰棧除此三店之外並無分枝別店其
 餘所有收批滙兌生理概不係敝店開設若夫以收批招
 牌字號作與敝號相仿者乃欲以魚目混珠希圖街前取
 信萬一有疎虞之處概與敝號無涉願 諸君勿爲所惑
 爲荷特此聲明免滋後論 光緒廿六年閏八月廿九日
 小坡新街口致成號大坡新吧虱致成棧十八間
 後森峰棧同啓

新到金山良馬 ○啟者本廐近由新金山辦到良馬
 一隊大中小匹俱全中有紅馬一對前者歷經相賽奪標
 十三次之多其標現俱存於本廐寫字樓中以便 諸君
 查閱又有善馳名馬及男女所用御車之馬甚多此次辦
 到各馬在新金山時均經教練馴熟或資騎坐或御車輻
 均甚合宜且均壯盛異常一經購得即能任馳騁凡有採
 購者本廐可以爲之具保諸君合意向懇 移玉惠臨爲
 盼 西一千九百零一年十月二十五號
 下勿南馬廐謹啓

聲明假冒 ○啟者本號自創羅奇生馬嘜包種茶與各式古勞香茶及奇生金鹿嘜八兩庄紅烟俱係親自督辦精工製造數十年來
 並無稍異故能遠近馳名乃近有無恥之徒竟以偽貨假冒本號招牌希圖射利殊令人痛恨也蓋假冒馬嘜包種茶者業由本號於丙申年間
 將情報案拿獲其人送官究治誰料此等不法之徒仍敢復行假冒且更有偽造金鹿嘜紅烟者然本號之金鹿標紅烟俱選正地道烟葉精工
 製造味甜濃而清香用六刀紙張包裝并加水印爲記映照即見 諸君祈細察之可也但今假冒本號茶烟之人本號亦已訪悉并知其作偽
 之所本擬稟官究治惟念厚道待人不爲已甚故特先行佈告向期自諒及早改圖倘猶不知猛省作偽如前則本號定必指名控究勿謂言之
 不先也至於 諸君有採辦本號馬標茶與各式古勞香茶及金鹿標紅烟者祈爲細辨招牌審真色味庶不至遭冒混則本號有厚幸焉
 大清光緒二十六年九月初一日 新嘉坡中街羅奇生謹啓

何軍門尚未出師剿匪惟拿獲賊匪二十餘人分囚於橫岡平山深圳等處又日前由虎門運到後膛快炮八尊然以山路迂迴快炮笨重難移易仍飭將炮發回虎門現深地方頗覺安靖云

英京官電

○英廷新選諸大臣前日已據電音登錄茲接十八日英京來電并將新選侍郎等缺開列茲特譯登以供眾覽 羽因威原充兵部侍郎現為軍機侍郎管理埃爾蘭省事務 琅原充農部總辦官現為議政侍郎接琅君於一千八百八十六年曾授此缺至一千八百九十二年離任 子爵吉連文為外部右侍郎接吉即西厘相國之長公子 烏賓珍勿勿連為戶部侍郎接烏即現任理藩院大臣占勿連之長公子於一千八百九十五年曾充倫敦海軍衙門章京 爵臣賓甸尼為兵部侍郎接賓於一千八百九十五年曾任戶部司員 亞律頗實打為海軍衙門議政院辦事侍郎

華事西電

○本坡實得力太晤士西報接十八日英京來電云俄國那模勿里美耶大日報曾有載稱俄法美日四國現經約定彼此會同而與英德兩邦對峙云云按英德兩國前日定約共維東方之局意者俄法日美四國不滿所為故亦聯約與之遙遙相對亦未可知頃又接閱上海西報云現接津電言俄法日美四國駐紮北京諸軍并不以德將華打施之號令為意云云然則俄法日美之與英德儼分兩途益覺可見矣

西報電音

○本坡西報昨接香港電稱聯軍在於保定經將滿洲兵官一名及副將王章榜訊因保定前者戕殺教士之案伊二人與於其內之故嗣經訊定將其用鎗毒斃云云按聯軍此舉甚屬不公夫各國均既聲明此次之費并非與中國朝廷對敵乃今竟執華官治罪是顯然以敵國之法相待行事如此尙何得謂文明之國秉公辦事乎故議者謂聯軍居心實不可問始有所見而嘗也

法員內調

○前報金邊王子伊千度赴法呈控駐紮該國之法員不法等情茲接法京來信云法廷業經出令將駐紮金邊參政司紐高士及某大員調回法京想即因此而致亦未可知也

道塗輿誦

○現在叻地風傳工部局總辦然直於西本年底任滿聞瑞制府現擬不復委其充當總辦之職云云惟此係屬傳聞之說是否尙未可知然叻地債稅諸人因此紛紛議論其然與否交好者則謂制軍此舉未免失於籌畫惟在本坡公衆以及貧窮之輩則咸謂制軍是舉實有體卹小民之苦心因然君總辦局務以來惟利是求并無憐念貧民之意故該局所入賦稅則日益增多而坡中貧民則日加困乏試觀每禮拜二日府堂所訊工部局控案必至百數十起多者竟至二百起之數夫被控者疊疊若此謂其中并無枉屈其誰信之在爲上者不過謂稽察之畧加認真然貧民之因此受累者已屬不堪言喻矣今姑舉華人自營葬地之事觀之夫該地既爲業主所經營受且其地係在郊野之外原與坡面無關乃該局於業主往討恩照之時爲總辦多方留難近復議設新章加增恩費種種爲難之處甚至不便於華人想其意必以爲此等辦理係爲潔淨地方起見若然則又何須加增恩費豈恩費少則地方不能潔淨既增其費則不潔者亦將使潔乎又如巴虱之設原亦因潔淨地方起見所抽之餉不過取其數支而止乃今亦舉行投充之舉其碼款日增一日因此之故物價日翔食戶謀生諸凡支絀是皆然總辦之善於盤畫流風善政使人感念不衰云云以上諸說係據叻中輿誦之詞爰照錄之是否之處則非本館所知也

用電須知

○德律風通傳言語亦屬電綫之傍支故於雷電大作之時每每不能通傳音問然亦不過言語難傳而止未有如網略此大之甚者頃接網略來信謂該處巡捕官一日以德律風傳語與其通事時彼正正在問答忽而雷電大作俄而電忽觸發竟將二人揪仆於數步之外云云是亦僅見之事用此者不可以不知也

臬堂展期

○本坡臬署原定於本月廿二日禮拜二開堂訊辦刑訟案情茲悉此舉經已展期七日至廿九日禮拜二始行開訊想因臬署現有土木之役其工未竣故不能如期開訊惟本屆巡理府上詳之案已屬極繁今更推展七日之期想案牘更爲擁擠矣

招辦工料

○本坡工部局現出告白招人承辦物料工價等件其告白已登本報覽之使悉其詳

粵督請假

○香港華字日報云署理陝甘總督升補兩廣總督陶子方制軍模經已奉 諭應即行赴任茲聞官場消息陶制軍現請假兩月俟假期屆滿然後起程來粵

聯軍回津彙志

○接津友去月十八日來信云各國軍隊日內由京回津者陸續不絕昨到有由京開回之日本馬步隊伍數千名抵津後即以城內浙江江蘇等處會館爲行營 又云津郡自兵燹以來居民逃散街面異常冷落各處設立都統衙門整頓地方市面亦復漸旺近以各國聯軍由京回津之兵陸續不絕大半駐紮河東及城廂內外一帶尙未能怡安津地號令舖戶居民無不日日驚惶所望該管都統鑒及於此以安小民也

日本近事述要

○聞日政府不欲與各軍聯合往討端邸 日本滅魚雷艇一艘於山東交界處不知如何致行沉溺現已浮出水面云 統領駐華日軍某將因病稟辭去月初十日過回長崎矣 伊藤相起復權用軍機之說現尙未有確據云譯長崎報 行在紀事 行在軍機有電致京中全權大臣屬令轉詢各國欽使所言欲治罪艦一語究屬如何治法 又聞 兩宮出都時亦命駐華駐紮保定時於中飽尚未至 行在即即重軍門速行起程而軍機處與馬軍同議 乘輿西行 又聞京中聯軍已抽出三分之一

二移往他處 山西友人遞來專函云 皇上恭奉 皇太后慈恩移駐陝西時 天威震怒不許端王居蹕隨行又云開缺山西撫憲毓賢自知剛愎驕禍罪不容誅已於某日吞金而斃宋祝三宮保慶仍駐太原並未隨 駕至戶部尚書剛毅雖從前往聞已中途病斃矣 港報初六日接上海訪友來電云接西安來電稱 兩宮聖駕初四日未刻抵陝駐蹕 電又云總統五省援軍程軍門於上月底奉 旨帶隊駐紮河南衛輝府 昨聞有隨員某大臣陳奏謂陝省荒歉異常難駐多人設西兵扼守 武漢咽喉之地勢必接濟斷絕不若進幸西蜀徐圖後計等情聞已奉 諭飭行在軍機大學士及六部會議 探得剛相因得病疾到平陽後即未能隨 駕旋在高驛驛驛世身後由何君乃瑩從 行在折回爲辦後事 探得新 簡陝西學政沈太史日前有電至申囑在申諸詞曹速赴 行在供職 探得總稅務司赫德君日前力勸各國從速議和否則中國商務必致一敗塗地不可收拾而與各國商務亦大有關碍聞英德二國頗然其說

國書備錄

○前者 皇上以日本使館書記生杉山彬被殺降 旨慰唁優賜葬儀此已敬登前報矣茲日本報登有 皇上電致日皇國書云 大清國 大皇帝問 大日本 大皇帝安貴國書記生杉山彬在永定門外以口舌細故被戕朕深恐有乖鄰誼當即降旨緝匪懲辦追念該書記生被戕情事哀深憫惜本日已明降諭旨著禮部右侍郎那桐前往致祭並賞祭銀五千兩靈柩抵貴國時令內閣侍讀學士李盛鐸派參贊官一員再行奠醊用示朕懷情不忘之意貴國與中國文字同洲素敦和誼此次中國開罪友邦蒙 大皇帝極力維持感激之忱曷有期極還望諄諄各國早定和議則保全東方利益裨益實多朕不勝禱切盼切之至光緒二十六年閏八月初三日既而日皇由電覆書曰 日本國 大皇帝覆 大清國 大皇帝頃接 國電乃悉大皇帝追念帝國公使館書記生杉山彬前因貴國兵官殘忍暴戾之舉被戕身死情事已派貴國禮部侍郎前往致祭並賞祭銀五千兩靈柩回抵本國時著派貴國使署參贊官再行奠醊以示惋惜之意等情藉以欣慰又云諄勸各國早言和議則保全東方大局裨益實多不勝禱切盼切之至等語至於克復平和一節不特 大皇帝所盼朕亦深望之惟大皇帝如來切望和平宜須明降 諭旨斷不舉用守舊頑固之人亟應 簡選中外重望有爲者派爲大臣另立一新政府并望 大皇帝不幸陝西即回北京以靖民心而表自覺開罪友邦之過豈有不允議和之理務望 大皇帝細按朕此誠實勸言朕不勝翹望之至 明治三十三年十月初九日

嚴法自累

○西報云西班牙國天澤最嚴凡非國戚世卿皆不能稍近王前即官禁內侍亦不能親近王之衣服無論沾及手足膚體也若王及后有所求則以器盛獻否以不敬論死相以下諸臣皆然大抵防人放毒行刺之弊耳此等苛法較之歐洲諸大國殊覺少有無怪其及以此自累矣西班牙今王名阿路寬蘇第十三年尙穉而有童心在宮中時作嬉戲一日偶登鞦韆上忽然昏眩大叫勢將傾跌衆內侍徬徨皆看懼獲罪不敢近救止在危急間不容髮之際一內侍大呼曰得救王雖死何恨乃趨前而王剛跌下該內侍手中遂抱白於太后泥首待罪太后以國家律法不可輕廢乃姑責而逐之後轉思若不得此人則瞬息間王撞跌階下如壯士臨陣不死亦受重傷感念之意悠然而起始命人持白金賞之而此人已因是承失職矣又一日太后忽然與高米烈禿巾短袖執鞭而出命配馬出外遊玩至較場上遂縱轡而馳誰知後之控縱久疎此馬衝突之性亦烈不一時筋疲力弱仰鞍落馬足掛於蹄馬仍倒拖而跑隨從者雖急極以國例所在又不放搶救惟有大呼得數十步外有一男子趨前執其環而止之則見后蟠螭之領及楊柳之腰已擦傷數處驚亂叙橫衣裳顛倒矣猶幸在草地上否則何堪設想其後此男子慮重律之加出逃他國而后回宮嬌喘欲沉亦不暇罪及他人云此與荆卿刺秦王時諸衛士持兵不敢上殿救援光景相同皆防患之心同一無謂之令也

命案詳臬

○十八日伊太守提訊前報后港武吃淡俾尼地方有武吃人沙勝灣殺死同籍人實里巴事後逃走柔佛卑刻經被獲逮回歸案一節府尊傳集諸証人到堂詳訊兇手沙勝灣直認無辭府尊以命案重大判詳臬署核辦刻計此期由巡理府上詳臬署之案已有四十九起之多內中命案五起及偽印單騙項十餘起餘是爲案爲多據府署老書吏咸言統查詳解臬署之案自開坡以來未有此期之多云

黃堂結案

○十八日巡理府提訊前報護政嘉君在正堂主控潮婦陳氏寶興誘拐閩籍女子余氏阿紅欲謀殺籍陳氏不該買良爲娼有違保護婦女例章一案陳氏請利和狀師代訴余女到堂爲証府尊訊畢判罰陳氏銀二百五十元不完再禁三月抵罪○詔安婦陳氏控潮人黃亞遠供稱在老爺宮前街爲傭十七日抱主人之女入宮內觀潮音順豐班演戲黃挨近婦身偷攫小女銀鍍金耳環一對價值銀三元五角不意被同伴林氏撞見將黃扭住爲呼第六百四十號巡差將黃拘獲送案據詳差稟稱黃曾犯盜案二次黃見証人及贓物顯然不敢爭辨俯首認罪府尊訊畢判罰黃監禁二月○閩婦李氏生長本坡控同籍人王祥供稱十七日午後一點鐘由力申路第十一號門牌家中僱手車欲往廈門街探親行不數武王由車後強搶去金釵一股值銀九十五元氏呼停車鳴捕幸有第十二號三畫差道經其間看見追王至某工廠內人駐兩獲將王解案云云由夏太守提訊一次判王王不該在白日之下強搶行人判將案交兩太守廿五日會訊○本坡所轄四大捕房及暗牌差并斗秤局諸巡差請傳訊票計七十五起控告大小坡烟酒廊及各熟食店越限并店戶貨件并各車館之車塞路等項案府尊訊明判罰十元或五元不等

工部局告白 ○啟者茲本局欲招人承供以下所列各物及工程等其承辦之期有一年者有三年者茲特條開如左 計開
加旋木及民冬格木 打蘇木枝○鋪地磚 屋瓦○漆料○各項雜物○掃帚○祖家灰 石灰○銅 鐵及機器師所用各物○備工 機器工 及雜工

○甲 黃色及原色斜紋布價○乙 黃色及原色斜紋并縫造衫褲帽之工料惟鈕扣不在其內○丙 縫造及綑鳥畢基黃色斜紋原色斜紋衫褲及帽之工價

在丹戎巴葛燒機橋所及製貨所內工役○牛及駕牛車之人以便駕駛本局載貨之車○牛及牛車并駛車之人以便載運紅石塊至本坡獄內○牛及牛車并駛車之人以便載運雜貨○牛及駛車之人以便駕駛本局之攪拌車惟此工役係分南北兩段

以上皆係承辦一年為期由一千九百零一年然花里月一號起算
木板 紅石粒 已槌破之紅石 柴薪

以上皆係承辦三年為期亦由一千九百零一年然花里月一號起算
所有承辦以上工程物料之票式可於工部局辦公之時到局詢問每名給銀五角即能詳知所入之票每票須附壓票銀一百元候至擇定之後即將此項給還所入之票務須書明以上各條工料於一千九百零一年然花里月二十號即華本月廿九日禮拜二正午以前投交本局司理人處以憑選擇至於出價低昂以及棄取之權俱歸本局員核奪不得執價低者得之說相爭特此佈告
大英一千九百零一年十一月十號 大清光緒廿六年九月十九日 工部局司理人波兀刺士奉命謹啟

跌打神醫 ○敬啟者余於本年五月間請假回唐由上海買棹要落廈門因北方風浪甚大在船跌傷腰筋叻中外科先生無能為力日夜呻吟幸得友人荐往牛車水寶紹英班中跌打陳光連先生賜藥兩次立止疼痛其病若失 先生為人慷慨不受謝儀余無以為報特立數言以答盛情先生真當世續骨良醫也此啟 光緒貳拾陸年九月十九日 車務局書吏林龍旺拜頌

退股聲明 ○啟者丹戎巴葛當店巷吉靈律第十三號門牌金福春號酒及雜貨生理原係本年正月十五日許龍記許挑二人合夥製造今因數目不明許龍記自將名下股份退出已報官出字通知請到公親蔡桂官從公核算當將許龍記本利收訖自閏八月二十五日止截此後生理盈虧概與許龍記無涉至于金福春號前後與人來往賬目及揭借會兌等項亦歸許挑經理與許龍記無干特此聲明免滋後論
大清光緒貳拾陸年九月十九日 退股人許龍記謹啟

豐源公司告白 ○啟者本公司之 豐盛 豐裕兩輪船刻定每期往香港直達汕頭廈門等處至于 豐遠第一 豐美兩船每期則往香港先抵廈門後到汕頭諸 商號有欲附貨搭客者請早 玉臨可也特此佈 聞
大清光緒廿六年九月十八日 豐源公司謹啟

大英欽命新嘉坡輔政使司 為招人開設典肆事照得本坡國家欲招人開設典肆一間由雪勿里芝路之勝街起至模實得力止以上地段准其開設其餉期係計至本屆當滿期滿為止為此示仰商民人等一體知悉汝等有欲承辦者可於一千九百零一年利心末月一號以前入票投交本署以憑選擇票內須自聲明每月願繳餉銀若干其餉項須於每月一號償給上期并以一箇月餉銀作按票之格式可至總巡捕官寫字樓內取討該寫字樓內并存有准開該肆之圖式以便諸人查閱各宜踴躍切切特示
大英一千九百零一年十一月九號 大清光緒廿六年九月十八日 示

招僱通事示 ○大英欽命新嘉坡輔政使司 為招僱通事事照得本坡巡捕官署欲招僱通事一名每年工資一百八十元其人須識穆拉油語其次則諸福建或潮州語其三則諸廣府或客語方能合用如其人於考驗時能照以上所錄諸華語外更多識一種或兼識英文英語則每年工資可至二百四十元為此示仰商民人等知悉汝等有欲承充此役者可於西本月十六號即華九月廿五日正午以前入票投交本署以憑選擇至欲知其分內規條者可向總巡捕署大書吏或到本署取閱便能知悉各宜踴躍特此通知
大英一千九百零一年十一月九號 大清光緒廿六年九月十八日 示

大英欽命新嘉坡輔政使司 為招人投票事照得本國家現有工役欲招人入票承充為此示仰商民人等一體知悉汝等有欲承充是役者可於西一千九百零一年然花里月十四號即華本月二十三日以前入票投交本署以憑選擇其所作之工
係在本署半樓存稿房內承造櫃架等以便收藏文券等件
如欲知其詳細情形及圖式者除禮拜外每日由上午十點鐘起至下午四點鐘止均可至營造司署向其大才副查詢凡投票者其票外必須寫明投交本署充當某項工程字樣並須向營造司署大才副取討印便之票照式填寫方能合用至於棄取之權任由國家裁奪各宜踴躍慎毋觀望特示
大英一千九百零一年十一月八號 大清光緒二十六年九月十七日 示

示

示

示

示

示

示

示